

暖紅

座凍初開



前題文章已中鰲頭選獨步彤庭日未西

鶯鶯憶張生

陳本作鶯鶯憶生

桂花開徧又山丹人去天涯尙未還卦演金錢常問  
卜淚沾羅袖每偷彈夢回蝴蝶清宵永繡罷鴛鴦白  
晝閒倦倚幃屏無箇事只將心事問丫鬟

生寄鶯鶯書

陳本作生寄鶯書

秋暮分攜直至今承恩叨沐五雲深已看姓字題金  
榜又喜文章入翰林一旦已酬觀國志十年不負讀  
書心歸遲又恐芳卿念預託征鴻寄好音

西廂記 第一  
鶯得張生書

陳本作鶯得生書

畫眉人去不勝愁  
晝日凝妝嬾下樓  
忽見書來封雁足  
始知君已占鰲頭  
一緘情淚香猶濕  
滿紙春心墨  
尙流看罷情懷心  
自想悔教夫婿覓封侯

張生病長安

春病恹恹命若絲  
那堪久客寓京師  
五更歸夢三千  
里  
一日愁懷十二時  
妙藥有方醫雜症  
靈丹無效治  
相思  
芳卿安得能來此  
訴盡離情久不遺

鶯寄衣奉生

陳本作鶯寄生衣

久思夫媚客長安遠寄行裝事幾般向操瑤琴絃已  
舊昔吹斑管淚初乾春衫孰與論長短羅襪誰爲試  
窄寬裁罷欲縫心暗想獨停鍼翦剔燈看

生喜得鶯書

書寄芳卿日已深寄書人返得回音謾看整點將來  
物方見相思別後心寶帶羅衣兼繡襪玉簪斑管與  
瑤琴收歸盡向牀前放讀罷鸞緘喜不禁

鄭恒求配親

陳本作鄭恒求配

兵戈兩地惜分離今日相逢幸有餘排難愧無匡救

力平安喜得寄來書時當二月喪宜舉孝盡三年服  
可除到此欲求秦晉約姑娘未審意何如

夫人答鄭恒

向日扶棺此暫停忽逢飛虎索鶯鶯路遙何處尋親  
戚事急無人退賊兵排難偶求張學士傳書深感惠  
明僧遠邀故友來相救將你新婚許此生

鄭恒謗張生

近來聞說是張生曾見今科榜上名官拜翰林初出  
仕姻求衛宅已親迎可憐學士無行止堪歎姑娘枉

志誠料得受恩深處好藁砧安念舊時情

張生衣錦歸

恩波新沐氣昂昂  
晝錦榮歸耀故鄉  
雙珮朝天辭北闕  
一鞭指引望西廂  
別來偏覺風霜久  
歸去寧辭道路長  
馬上到家春正好  
錦衣猶帶御爐香

張生拜夫人

拜罷夫人啟繡幃  
階前趨立久嗟咨  
向時雅意欣招我  
今日尊顏惱爲誰  
壯志每期榮晚節  
寸心終擬報春暉  
自離普救居京邸  
非禮纖毫不敢爲

夫人詰張生

聞汝長安別繼親衛尚書女已妻君自從別後常無  
信事聽傳來頗有因不惜浪遊輕薄子祇緣耽閣少  
年人幾回欲便違前約又更躊躇恐未真

張生答夫人

別來身若坐鍼氈苦志功名奮向前金榜偶題新姓  
字香閨敢忘舊姻緣帝城車馬人如蟻客路風光日  
似年豈有閒心戀花酒尊堂何必聽流言

鶯出見張生

陳本作鶯見生

閒看雕檐燕哺雛日長消遣繡工夫忽聞得意人方  
到頗覺相思病已除乍見情懷渾似舊稍疑丰采不  
如初多時欲把情懷訴及至相逢一句無

太守謁夫人

陳本缺

拜罷賓階始識荆爲談君瑞舊時情蒲關遠去尋交  
友蕭寺曾來退賊兵無故豈容歸鄭氏有恩焉敢負  
張生夫人更莫心猶豫到此何須背舊盟

太守鞠鄭恒

龍鍾堂上老夫人與你家爲有服親只許生鶯成伉

儷豈容兄妹結婚姻百年相國身雖沒三尺朝廷法  
更新汝可早歸求別偶免教羈罪辱儒紳

鶯與生敘舊

陳本作鶯生敘舊

兩年遊宦客京師得意歸來有所思重整洞房花燭  
夜方題金榜掛名時門迎車馬人如蟻戶列笙歌酒  
若池光耀畫堂榮畫錦風流端的是男兒

生鶯赴任所

陳本作生鶯赴任

夫婦之官喜不勝相親相近謾同行郵亭楊柳風初  
暖驛路桃花雨正晴塵泥沙隄車跡穩草鋪官道馬

蹏輕生鶯此際情無限一代風流萬古名

載明陳繼儒批評西

廂記

羅懋登重校北西廂記卷三

按眉公手批

蒲東詩大都俗腐且煩多可厭本欲刪去又恐學究尚有好奇之者細批無味轉添蛇足空存之可云云眉公且存之懋登本並載列余亦輯入雜錄惟陳本少三十首又不署作者姓名羅本題四明張楷著則依羅本而陳本題有異同蓋闕均詳註焉夢鳳識

詞

調笑令

并引詩

宋  
秦觀

崔家有女名鶯鶯未識春光先有情河橋兵亂依蕭寺紅愁綠慘見張生張生一見春情重明月拂牆花影動夜半紅娘擁抱來脈脈驚魂若春夢

春夢神仙洞冉冉拂牆花樹動西廂待月知誰共更

覺玉人情重紅娘深夜行雲送困鞦釵橫金鳳

王驥德按

秦觀字少游一字太虛號淮海高郵人少豪雋慷慨  
溢於文詞蘇長公以爲有屈宋才薦除國史院編修  
官作調笑令詞十首詠明妃以下諸美人每篇冠以  
一詩而詞之首語卽用詩末語二字蓋詩以引詞本  
不可析舊本以詩詞各署誤楊用修詞林萬選亦取  
灼灼一首詩詞漫列不分至末語淚滿紅綃寄腸斷  
處注云闕文而下文復腸斷繡簾捲接去可笑蓋大  
儒已作俑矣載王驥德校注古本西廂記考羅  
懋登重校北西廂記卷三按顧本將引詩曲子分  
載而於調笑令曲牌下又注明淮海詞作詩曰云云  
既已注明而又分列  
太失檢矣夢鳳識

調笑令

并引詩

宋毛滂

春風戶外花蕭蕭綠窗繡屏阿母嬌白玉郎君恃恩  
力尊前心醉雙翠翹西廂月冷濛花霧落霞零亂牆  
東樹此夜靈犀已暗通玉環寄恨人何處

何處長安路不記牆東花拂樹瑤琴理罷霓裳譜

顧本

註一曲依舊月窗風戶薄情年少如飛絮夢逐雙

顧本

作環西去

王驥德按毛滂字澤民號東堂江山人元祐中蘇子瞻守杭滂爲法曹子瞻重其文

薦於朝擢知秀州右詩及詞蓋仿秦淮海爲之者詠古美人白崔徽而下凡八人語甚綺麗見東堂集舊

本署日李邴非

載顧玄緯會真記雜錄卷三

王

驥德校注古本西廂記考

羅懋登重校北西廂記

卷三

顧本分詩爲毛滂詞爲李邴毛滂詩題作鶯

鶯詩下注見東唐詞右六鶯鶯又作李邴詩云云李

酈詞注一作毛滂詩見東唐詞一作危素詞並非復雅歌詞後集題云調笑八疊鶯鶯又作李酈詞云云按詞既見東唐集前又有秦少游一詞可證秦詞既作一詩一曲並列而於毛詩下注又作李酈於李詞後注又作毛滂何顧氏乖謬如此羅懋登本亦沿其誤得非伯良勘定誤人不淺矣夢鳳識

定風波

元倪瓚

玩新圖一段春嬌雙文舊事誰省嫩綠地塘淡黃楊柳想像當時景甚元郎恁薄倖翻笑張生自媒聘人靜忍直教虛負拂牆花影悲歡夢境返魂香不暖黃金鼎把西廂待月風流話本留與知音聽鳳鸞雛妬妝鏡雨態雲情宛相並題伯勞歌好贈更須吟詠

載顧玄緯會真記雜錄卷三  
羅懋登重校北西廂記卷三

河傳

明張肯

初見嬌面掩香羅意遲遲情便多  
臨行那更轉秋波  
奈何相思縈翠娥  
月轉西廂花弄影人寂靜珮解

霞綃冷膩香紅正歡濃  
匆匆夢驚蕭寺鐘

載顧玄緯會真記雜

錄卷三  
羅懋登重校北西廂記卷三

沁園春

題像

前人

楚楚芳姿是誰人扶上徽娘卷中  
恰金蟬委蛻鬢雲  
綠淺翠蛾出繭眉黛香濃待月應  
真迎風也似算只

西廂記 第一  
欠牆花一樹紅千年逝水流雲散僧舍蒲東而今

驀地相逢俏不似當年憔悴容正章臺春雨未絲楊

柳蜀江秋露初蕊芙蓉一見魂消再看腸斷方信春

情屬畫工元才子豔詞嬌傳空費雕蟲

載顧玄緯會真記雜錄卷

三羅懋登重校  
北西廂記卷三

畫堂春 春閨歡會

明  
瞿佑

好風搖動拂牆花西廂月射窗紗畫屏銀雀影交加

驚起棲鴉舊約已酬心素殘妝重整容華千金一

刻漏聲賒此樂無涯

載顧玄緯會真記雜錄卷三  
羅懋登重校北西廂記卷三

畫堂春

秋郊惜別

前人

碧雲開霽雁南飛  
黃花滿地芳菲起  
攜素手出羅幃  
粉淚頻揮  
顰把車停繡轂  
仍將馬駐金羈  
少留行處  
遽分離  
此恨誰知

載顧立緯會真記雜錄卷三  
羅懋登重校北西廂記卷三

沁園春

明韓奕

伊昔蒲東惱人春色  
猶煩畫工想娉婷  
嬌態楚宮烟柳  
嬋娟質灞岸霜容  
二八芳姿  
一枝穠豔  
鎖不住  
深閨錦繡  
中西廂外等閒蜂蝶  
穿透簾櫳  
張郎俊雅  
誰同獨占  
斷巫山神女峯  
記一時歡會  
花濃寺靜

千年遺恨葉落空山薄俗流傳新聲描寫展轉翻成

鄭衛風高堂夢水流花謝寂寞遺蹤

載顧玄緯會真記雜錄卷三

鷓鴣天

亡名氏

花木深深短牆晚風斜月小迴廊臨風有客吟團

扇拜月無人見晚妝

金雀髻藕絲裳小庭私語麝

蘭香嬌鶯莫嚙傷心曲花底遊蜂正斷腸

載顧玄緯會真記雜

錄卷三 羅懋登重校北西廂記卷三

調笑白語

明黃

氏

楊慎夫人

春風戶外花蕭蕭綠窗繡屏阿母嬌白玉郎君恃恩